

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება

2018 წლის 31 დეკემბრით დასრულებული
წლისათვის

სარჩევი

ფინანსური მდგომარეობის ანგარიშგება 2018 წლის 31 დეკემბრის მდგომარეობით	3
მოგებისა და ზარალის და გაუნაწილებელი მოგების ანგარიშგება 2018 წლის 31 დეკემბრით დასრულებული წლისათვის	4
ფულადი ნაკადების ანგარიშგება 2018 წლის 31 დეკემბრით დასრულებული წლისათვის	5
ფინანსური ანგარიშგების ახსნა-განმარტებითი შენიშვნები	6
1. ზოგადი ინფორმაცია	6
2. მომგადების საფუძველი	6
3. მსს ფასს-ზე გადასვლა	7
4. სააღრიცხვო პოლიტიკა	8
5. ინფორმაცია შეფასების, განუსაზღვრელობისა და განსჯის ძირითადი წყაროების შესახებ	14
6. ფულადი სახსრები და ფულადი სახსრების ეკვივალენტები	15
7. სავაჭრო და სხვა მოკლევადიანი მოთხოვნები	15
8. მარაგები	15
9. ძირითადი საშუალებები	16
10. არამატერიალური აქტივები	17
11. სავაჭრო და სხვა მოკლევადიანი ვალდებულებები	17
12. ფინანსური ინსტრუმენტები	17
13. საგადასახადო ვალდებულებები	18
14. ამონაგები	18
15. სხვა შემოსავლები	18
16. სხვა ხარჯები	18
17. მოგება/(ზარალი) საკურსო სხვაობიდან - წმინდა	18
18. დაკავშირებულ მხარეთა ტრანზაქციები	19
19. მოვლენები საანგარიშგებო პერიოდის შემდეგ	20

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

ფინანსური მდგომარეობის ანგარიშგება 2018 წლის 31 დეკემბრის მდგომარეობით

	შენიშვნა	31-12-18	01-01-18
აქტივები			
მოკლვადიანი აქტივები			
ფულადი სახსრები და ფულადი სახსრების ექვივალენტები	6	603,557	732,397
სავაჭრო და სხვა მოკლევადიანი მოთხოვნები	7	1,559,630	1,967,518
მარაგები	8	27,971	21,156
სულ მოკლვადიანი აქტივები		2,191,158	2,721,071
გრძელვადიანი აქტივები			
ძირითადი საშუალებები	9	978,187	1,072,399
არამატერიალური აქტივები	10	215,578	239,158
სულ გრძელვადიანი აქტივები		1,193,765	1,311,557
მთლიანი აქტივები		3,384,923	4,032,628
ვალდებულებები			
მოკლვადიანი ვალდებულებები			
სავაჭრო და სხვა მოკლევადიანი ვალდებულებები	11	222,024	250,443
საგადასახადო ვალდებულებები	13	20,351	31,373
სულ მოკლვადიანი ვალდებულებები		242,375	281,816
მთლიანი ვალდებულებები		242,375	281,816
საკუთარი კაპიტალი			
საწესდებო კაპიტალი		89,444	89,444
გაუნაწილებელი მოგება / (დაგროვილი ზარალი)		3,053,104	3,661,368
სულ საკუთარი კაპიტალი		3,142,548	3,750,812
მთლიანი ვალდებულებები და საკუთარი კაპიტალი		3,384,923	4,032,628

დირექტორი



რომან ჯობაგა

ფინანსური დირექტორი



ნანა ჯობაგა

6-20 გვერდებზე მოცემული ახსნა-განმარტებითი შენიშვნები წარმოადგენს ფინანსური ანგარიშგების განუყოფელ ნაწილს

მოგებისა და გარალის და გაუნაწილებელი მოგების ანგარიშგება 2018 წლის 31 დეკემბრით დასრულებული წლისათვის

	შენიშვნა	31-12-18
ამონაგები	14	3,733,508
სხვა შემოსავლები	15	8,355
დაქირავებულ პირთა ხელფასებისა და გასამრჯელოების ხარჯი		(3,236,655)
ცვეთა და ამორტიზაცია		(341,409)
მივლინების ხარჯი		(321,148)
როიალტი		(160,789)
საიტარო ქირა		(96,000)
კომუნალური ხარჯები		(39,786)
რეკლამის ხარჯი		(38,454)
ბანკის მომსახურების საკომისიო		(34,429)
ელექტრო ლაბორატორიული მასალები		(5,173)
წარმომადგენლობითი ხარჯი		(5,877)
სხვა ხარჯები	16	(69,118)
მოგება/(ზარალი) საკურსო სხვაობიდან - წმინდა	17	(1,289)
მოგება დაბეგვრამდე		(608,264)
მოგების გადასახადი		-
წმინდა მოგება		(608,264)
გაუნაწილებელი მოგების საწყისი ნაშთი		3,661,368
დივიდენდები		
გაუნაწილებელი მოგების საბოლოო ნაშთი		3,053,104

დირექტორი



რომან ჭობავა

ფინანსური დირექტორი



ნანა ჭობავა

6-20 გვერდებზე მოცემული ახსნა-განმარტებითი შენიშვნები წარმოადგენს ფინანსური ანგარიშგების განუყოფელ ნაწილს

ფულადი ნაკადების ანგარიშგება 2018 წლის 31 დეკემბრით დასრულებული წლისათვის

	31-12-18
ფულადი ნაკადები საოპერაციო საქმიანობიდან	
მოგება დაბეგვრამდე	(608,264)
კორექტირებები არაფულადი შემოსავლებისთვის და ხარჯებისთვის:	
- ცვეთა და ამორტიზაცია	341,409
- სავაჭრო მოთხოვნების გაუფასურების ზარალი	-
- (მოგება)/ზარალი საკუროს სხვაობიდან	1,289
- (მოგება)/ზარალი ძირითადი საშუალებების გასვლიდან	15,698
- წმინდა ფინანსური (შემოსავალი)/ხარჯი	(8,223)
ცვლილებები სამუშაო კაპიტალში:	
- მარაგები	(6,815)
- მოკლევადიანი მოთხოვნები	443,483
- სხვა საგადასახადო აქტივები/ ვალდებულებები	(11,362)
- მოკლევადიანი ვალდებულებები	(30,424)
ოპერაციებიდან წარმოქმნილი ფულადი სახსრები	136,792
- მიღებული პროცენტები	8,223
- გადახდილი მოგების გადასახადი	-
წმინდა ფულადი ნაკადები საოპერაციო საქმიანობიდან	145,015
ფულადი ნაკადები საინვესტიციო საქმიანობიდან	
ძირითადი საშუალებების შეძენა	(104,113)
ძირითადი საშუალებების გასვლა	60
არამატერიალური აქტივების შეძენა	(135,262)
წმინდა ფულადი ნაკადები საინვესტიციო საქმიანობიდან	(239,315)
ფულადი ნაკადები საფინანსო საქმიანობიდან	
- გადახდილი დივიდენდები	-
წმინდა ფულადი ნაკადები საფინანსო საქმიანობიდან	-
ფულადი სახსრების და ფულადი სახსრების მქვივალენტების ზრდა (კლება)	(94,300)
ფულადი სახსრების და ფულადი სახსრების მქვივალენტების საწყისი ბალანსი	732,397
გაცვლითი კურსის ეფექტისგან გამომდინარე ცვლილება	(34,540)
ფულადი სახსრების და ფულადი სახსრების მქვივალენტების საბოლოო ბალანსი	603,557

დირექტორი



რომან ჯობავა

ფინანსური დირექტორი



ნანა ჯობავა

6-20 გვერდებზე მოცემული ახსნა-განმარტებითი შენიშვნები წარმოადგენს ფინანსური ანგარიშგების განუყოფელ ნაწილს

ფინანსური ანგარიშგების ახსნა-განმარტებითი შენიშვნები

1. ზოგადი ინფორმაცია

შპს 'EM კონსულტაციები და პროგრამული უზრუნველყოფა, EMCoS' (შემდგომში „კომპანია“) შეზღუდული პასუხისმგებლობის კომპანიაა, რომელიც რეგისტრირებულია საქართველოს კანონმდებლობის შესაბამისად 2004 წლის 25 ოქტომბერს. კომპანიის 100%-იანი წილის მფლობელია ფიზიკური პირი რომან ჯობაგა.

კომპანიის ძირითად საქმიანობას წარმოადგენს ელექტრომაგნიტური მოდელირებისათვის განკუთვნილ პროგრამულ უზრუნველყოფის შექმნა. ელექტრონული მოწყობილობების ერთმანეთთან თავსებადობის შესწავლა, როგორც სამეცნიერო კვლევით დონეზე, ასევე საინჟინრო გადაწყვეტილებების მიღების დონეზე. კომპანია აგრეთვე თავისი საქმიანობის სფეროში კონსულტაციებს უწევს საავტომობილო, ელექტრონულ და სხვა ინდუსტრიებში მომუშავე კომპანიებს.

კომპანიის იურიდიული მისამართია საქართველო, თბილისი, საბურთალოს რ-ნი, პეკინის გამზ N27.

2. მომზადების საფუძველი

ბუღალტრული აღრიცხვის საერთაშორისო სტანდარტების საბჭოს მიერ გამოცემული მცირე და საშუალო საწარმოთა ფინანსური ანგარიშგების საერთაშორისო სტანდარტზე (მსს ფასს) გადასვლის თარიღია 2018 წლის 1 იანვარი. საწარმომ აღნიშნულ თარიღში მოამზადა მხოლოდ მსს ფასს-ის შესაბამისი საწყისი ფინანსური მდგომარეობის ანგარიშგება. შესაბამისად წინამდებარე ფინანსური ანგარიშგება არ მოიცავს სრულ შესადარის ინფორმაციას.

ფინანსური ანგარიშგება მომზადებულია ფუნქციონირებადი საწარმოს პრინციპის დაშვებით - ანუ დაშვებით, რომ კომპანია განაგრძობს ფუნქციონირებას პროგნოზირებად მომავალში. კომპანიის მენეჯმენტსა და მფლობელებს სურვილი აქვთ, განაგრძონ მისი საქმიანობა. მენეჯმენტს სჯერა, რომ ფუნქციონირებადი საწარმოს დაშვება შესაფერისია კომპანიისთვის.

ფინანსური ანგარიშგება მომზადებულია ისტორიული ღირებულების საფუძველზე. ფინანსურ ანგარიშგებაში თანხები წარდგენილია ქართულ ლარში და დამრგვალებულია სრულ ლარამდე.

მსს ფასს-ის მიხედვით ფინანსური ანგარიშგების მომზადება კომპანიის ხელმძღვანელობისგან ითხოვს გარკვეული შეფასებების გაკეთებას, რაც გავლენას იქონიებს აქტივებისა და ვალდებულებების ღირებულებაზე ფინანსური ანგარიშგების შედგენის თარიღისათვის, ასევე იმოქმედებს შემოსავლისა და ხარჯების ოდენობაზე. საანგარიშგებო პერიოდის განმავლობაში ფაქტიური შედეგები შესაძლოა განსხვავდებოდეს მიმდინარე შეფასებისაგან. შეფასებები პერიოდულად გადაიხედება. კორექტირებები, რამაც სააღრიცხვო შეფასებების ცვლილებები გამოიწვია, მიეკუთვნება იმ პერიოდის ფინანსურ შედეგებს, როცა ეს ცვლილებები მოხდა. მნიშვნელოვანი სააღრიცხვო შეფასებების შესახებ განმარტებები მოცემულია მე-5 შენიშვნაში.

2018 წლის 31 დეკემბერს დასრულებული საანგარიშგებო პერიოდის ფინანსური ანგარიშგება ხელმძღვანელობის მიერ მომზადებული და დამტკიცებულია 2019 წლის 9 სექტემბერს.

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

3. მსს ფასს-ზე გადასვლა

მსს ფასს-ზე გადასვლის პროცესში საწარმომ გამოიყენა ყველა საგალდებულო გამონაკლისი.

კომპანიას გასულ პერიოდებში არ წარუდგენია ფინანსური ანგარიშგება, შესაბამისად აღნიშნულ ფინანსურ ანგარიშგებაში არ არის მოცემული ადრინდელი სააღრიცხვო პოლიტიკის მიხედვით მომზადებული 2018 წლის მოგების ან ზარალის შეჯერება იმავე პერიოდის მოგებასთან, ან ზარალთან, რომელიც განსაზღვრულია მსს ფასს სტანდარტის მიხედვით.

ქვემოთ წარმოდგენილია ფინანსური ანგარიშგების წარდგენის ადრინდელი საფუძვლებიდან მსს ფასს-ზე გადასვლის გავლენა საწარმოს საკუთარ კაპიტალზე 2018 წლის 1 იანვრისთვის და 2018 წლის 31 დეკემბრისთვის:

	31 დეკემბერი 2018	1 იანვარი 2018
ადგილობრივი სტანდარტით განსაზღვრული მთლიანი კაპიტალი	3,040,143	3,387,647
შეცდომების გასწორების ეფექტი	34,300	(40,946)
ადგილობრივი სტანდარტით განსაზღვრული კორექტირებული მთლიანი კაპიტალი	3,074,443	3,346,701
ძირითადი საშუალებების საბალანსო ღირებულების კორექტირება	143,998	178,447
არამატერიალური აქტივების საბალანსო ღირებულების კორექტირება	(12,205)	(12,239)
სავაჭრო მოთხოვნების გაუფასურების აღიარება	(11,298)	(11,424)
შემოსავლების კორექტირება	(97,662)	249,328
ხარჯების კორექტირება	45,271	-
მსს ფასს-ით განსაზღვრული მთლიანი კაპიტალი	3,142,548	3,750,812

სააღრიცხვო პოლიტიკის ცვლილები გამოწვეული მსს ფასს-ზე გადასვლით

ძირითადი საშუალებები

კომპანია ძირითად საშუალებებს ცვეთას არიცხავდა შემცირებადი ნაშთის მეთოდით საქართველოს საგადასახადო კოდექსის მიერ დადგენილი ცვეთის განაკვეთებით. 2018 წლის 1 იანვარს მოხდა ცვეთის წრფივ მეთოდზე გადასვლა, ხელმძღვანელობამ 2018 წლის ბოლოს მოახდინა სასარგებლო მომსახურების ვადების განსაზღვრა მსს ფასს-ის შესაბამისად, ცვეთის გადაანგარიშება რეტროსპექტულად და საჭიროების შემთხვევაში დაგროვილი ცვეთის კორექტირება.

არამატერიალური აქტივები

კომპანია არ ახდენდა არამატერიალური აქტივების სასარგებლო მომსახურების ვადების გადახედვას. ხელმძღვანელობამ 2018 წლის ბოლოს მოახდინა სასარგებლო მომსახურების ვადების გადახედვა და საჭიროების შემთხვევაში ამორტიზაციის კორექტირება.

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

სავაჭრო მოთხოვნები

სავაჭრო მოთხოვნებთან დაკავშირებით არ ხდებოდა გაუფასურების აღიარება. ხელმძღვანელობამ მოახდინა გაუფასურების რეზერვის შეფასება და შესაბამისი ხარჯების აღიარება.

შემოსავლები და ხარჯები

კომპანია მომსახურების გაწევისას გადახდის წყაროსთან დაკავებულ ბრუნვის გადასახადს აღიარებდა შემოსავლად და ხარჯად. მსს ფასს-ის შესაბამისად მოხდა შემოსავლებისა და ხარჯების კორექტირება.

4. სააღრიცხვო პოლიტიკა

ქვემოთ მოცემულია ფინანსური ანგარიშგების მომზადებისას გამოყენებული ძირითადი სააღრიცხვო პოლიტიკა. სააღრიცხვო პოლიტიკის გამოყენება მოხდა თანმიმდევრულად.

ოპერაციები უცხოურ ვალუტაში

სამუშაო და წარდგენის ვალუტა

კომპანიის სამუშაო ვალუტაა იმ ძირითადი ეკონომიკური გარემოს ვალუტა, სადაც კომპანია ეწევა საქმიანობას. კომპანიის სამუშაო ვალუტაა ქართული ლარი. კომპანიის ფინანსური ანგარიშგება წარდგენილია ქართულ ლარში.

ოპერაციები და ნაშთები

ფინანსური ანგარიშგების მომზადებისას კომპანიის საოპერაციო ვალუტისგან განსხვავებულ ვალუტაში (უცხოური ვალუტები) წარმოებული ტრანზაქციები აღირიცხება საქართველოს ეროვნული ბანკის მიერ ტრანზაქციის დღეს დადგენილი სავალუტო გაცვლითი კურსით.

თითოეული საანგარიშო პერიოდის ბოლოს, უცხოურ ვალუტაში ასახული მონეტარული აქტივები და ვალდებულებები გადაინგარიშება საქართველოს ეროვნული ბანკის მიერ წლის ბოლოსათვის დადგენილი ოფიციალური ვალუტის გაცვლითი კურსის შესაბამისად. კონვერტაციის დროს წარმოშობილი კურსთაშორის სხვაობები აისახება მოგებისა და ზარალის ანგარიშგების მუხლში, „მოგება/(ზარალი) საკურსო სხვაობიდან-წმინდა“.

უცხოურ ვალუტაში წარმოდგენილი არაფულადი ერთეულები, რომლებიც აისახება თავდაპირველი ღირებულებით, კონვერტირდება ტრანზაქციის დღისთვის არსებული ვალუტის გაცვლითი კურსის მიხედვით.

კომპანიას მიერ ფინანსური ანგარიშგების მომზადებისას წლის ბოლოს მდგომარეობით გამოყენებული გაცვლითი კურსებია:

საქართველოს ეროვნული ბანკის ოფიციალური კურსი		
	აშშ დოლარი	ევრო
კურსი 2018 წლის 31 დეკემბრისთვის	2.6766	3.0701
კურსი 2017 წლის 31 დეკემბრისთვის	2.5922	3.1044

ძირითადი საშუალებები

ძირითადი საშუალებების მუხლები ფასდება თვითღირებულებით, რომელსაც დაკლებული აქვს ცვეთა და დაგროვილი გაუფასურების ზარალი.

ძირითადი საშუალების ერთეულის თვითღირებულების კომპონენტები მოიცავს შეძენის ფასსა და უშუალოდ დაკავშირებულ დანახარჯებს, რომელიც აუცილებელია აქტივის სამუშაო მდგომარეობაში მოსაყვანად.

ცვეთის დარიცხვა ხდება აქტივების თვითღირებულების განაწილების მიზნით მათი სავარაუდო სასარგებლო მომსახურების ვადაზე, წრფივი მეთოდის გამოყენებით. ძირითად საშუალებებზე ცვეთის დასარიცხად გამოიყენება შემდეგი სასარგებლო მომსახურების ვადები:

ძირითადი საშუალებების ჯგუფი	სასარგებლო მომსახურების ვადა (წელი)
გამზომი აპარატურა	2-15
კლასტერი	3-5
ლაბორატორიის მოწყობილობა	3-10
კომპიუტერული ტექნიკა	2-10
ავტო და სხვა ინვენტარი	2-10
იჯარით აღებული ქონების კეთილმოწყობა	5
სხვა ძირითადი საშუალებები	3-6

თუ არსებობს რაიმე ნიშანი იმისა, რომ ცვეთის ნორმა, აქტივის სასარგებლო მომსახურების ვადა, ან ნარჩენი ღირებულება მნიშვნელოვნად შეიცვალა, ახალი მოლოდინის ასახვის მიზნით, მოცემული აქტივის ცვეთა შესწორდება პერსპექტიულად.

ძირითადი საშუალების ობიექტის აღიარება წყდება მისი გასხვისებისას ან როდესაც მისი შემდგომი გამოყენებიდან მომავალში ეკონომიკური სარგებლის მიღება აღარ არის მოსალოდნელი. მოგება ან ზარალი ძირითადი საშუალებების გასვლის შედეგად განისაზღვრება საბალანსო ღირებულებისა და მიღებული წმინდა ანაზღაურების სხვაობით და აღიარდება მოგებისა და ზარალის ანგარიშგებაში, როგორც სხვა შემოსავალი/სხვა ხარჯები.

არამატერიალური აქტივები

არამატერიალური აქტივები წარმოადგენს შეძენილ კომპიუტერულ პროგრამულ უზრუნველყოფას, ლიცენზიებს და პატენტებს. არამატერიალური აქტივების მუხლები ფასდება თვითღირებულებით, რომელსაც დაკლებული აქვს ამორტიზაცია და დაგროვილი გაუფასურების ზარალი.

არამატერიალური აქტივების ერთეულის თვითღირებულების კომპონენტები მოიცავს შეძენის ფასსა და უშუალოდ დაკავშირებულ დანახარჯებს, რომელიც აუცილებელია აქტივის ხელმძღვანელობის მიერ განსაზღვრულ მდგომარეობაში მოსაყვანად.

არამატერიალური აქტივების ამორტიზება ხდება წრფივი მეთოდით აქტივის სასარგებლო მომსახურების შეფასებული ვადის განმავლობაში. ამორტიზაციის დასარიცხად გამოიყენება შემდეგი სასარგებლო მომსახურების ვადები:

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

არამატერიალური აქტივების ჯგუფი	სასარგებლო მომსახურების ვადა (წელი)
პროგრამული უზრუნველყოფა	10
პატენტი	10
ლიცენზია	1-3

თუ არსებობს რაიმე ნიშანი იმისა, რომ ამორტიზაციის ნორმა, აქტივის სასარგებლო მომსახურების ვადა, ან ნარჩენი ღირებულება მნიშვნელოვნად შეიცვალა, ახალი მოლოდინის ასახვის მიზნით, მოცემული აქტივის ამორტიზაცია შესწორდება პერსპექტიულად.

არამატერიალური აქტივების აღიარება წყდება მისი გასხვისებისას ან როდესაც მისი შემდგომი გამოყენებიდან მომავალში ეკონომიკური სარგებლის მიღება აღარ არის მოსალოდნელი. მოგება ან ზარალი არამატერიალური აქტივების გასვლის შედეგად განისაზღვრება საბალანსო ღირებულებისა და მიღებული წმინდა ანაზღაურების სხვაობით და აღიარდება მოგებისა და ზარალის ანგარიშგებაში, როგორც სხვა შემოსავალი/სხვა ხარჯები.

მარაგები

მარაგების შეფასება ხდება თვითღირებულებასა და შეფასებით გასაყიდ ფასს შორის უმცირესი თანხით, რომელსაც გამოკლებული აქვს პროდუქციის დასრულებისა და გაყიდვისთვის საჭირო დანახარჯები.

მარაგის თვითღირებულება მოიცავს: მის შეძენასა და გადამუშავებასთან დაკავშირებულ ყველანაირ დანახარჯს, ასევე ისეთ დანახარჯებს, რომლებიც გაწეულია მის მოცემულ ადგილამდე ტრანსპორტირებისთვის და სათანადო მდგომარეობაში მოსაყვანად.

ნედლეულისა და მასალების თვითღირებულება მოიცავს შესყიდვის ფასს, საბაჟო გადასახადსა და სხვა აუნაზღაურებელ გადასახადებს, ტრანსპორტირებისა და დატვირთვის დანახარჯებსა და ნებისმიერ სხვა პირდაპირ მიკუთვნებად დანახარჯებს.

თვითღირებულება გამოითვლება დანახარჯთა ინდივიდუალური იდენტიფიკაციის მეთოდის გამოყენებით.

აქტივების გაუფასურება

ყოველი საანგარიშო პერიოდის ბოლოს კომპანია ძირითად საშუალებებს და არამატერიალური აქტივებისათვის ამოწმებს ხომ არ არსებობს გაუფასურების ნიშნები. თუ ამგვარი ნიშნები არსებობს დგინდება აქტივის (ფულადი სახსრების წარმომქმნელი ერთეულის, რომელსაც ეს აქტივი მიეკუთვნება) აღდგენითი ღირებულება. აღდგენითი ღირებულება წარმოადგენს უდიდესს გაყიდვის დანახარჯებით შემცირებულ რეალურ ღირებულებასა და გამოყენების ღირებულებას შორის.

თუ აქტივის (ფულადი სახსრების წარმომქმნელი ერთეულის) აღდგენითი ღირებულება ნაკლებია საბალანსო ღირებულებაზე, საბალანსო ღირებულება მცირდება მის შეფასებულ ანაზღაურებად ღირებულებამდე, და გაუფასურების ზარალი აღიარდება დაუყოვნებლივ მოგებაში ან ზარალში.

ყოველი საანგარიშგებო თარიღისთვის, მარაგები ფასდება გაუფასურებაზე, თითოეული მარაგის ელემენტის (ან მსგავსი მარაგების ჯგუფის) საბალანსო ღირებულების შედარებით

გასაყიდ ფასთან, რომელიც შემცირებულია პროდუქციის დასრულებისა და გაყიდვისთვის საჭირო დანახარჯებით. თუ მარაგი (ან მსგავსი მარაგების ჯგუფი) გაუფასურებულია, საბალანსო ღირებულება მცირდება მისი დასრულებისა და გაყიდვისთვის საჭირო დანახარჯებით შემცირებულ გასაყიდ ფასამდე, და გაუფასურების ზარალი დაუყოვნებლივ აღიარდება მოგებაში ან ზარალში რეალიზებული საქონლის თვითღირებულების მუხლში.

როდესაც ხდება გაუფასურების ზარალის შემდგომი აღდგენა, აქტივის (ფულადი სახსრების წარმომქმნელი ერთეულის) საბალანსო ღირებულება იზრდება მის აღდგენითი ღირებულების შესწორებულ შეფასებულ სიდიდემდე, მაგრამ არ გაიზრდება იმ თანხაზე მეტად, რომელიც განისაზღვრებოდა იმ შემთხვევაში, თუ წინა წლებში არ მოხდებოდა აქტივის (ფულადი სახსრების წარმომქმნელი ერთეულის) გაუფასურების ზარალის აღიარება. გაუფასურების ზარალის კომპენსირების თანხა დაუყოვნებლივ აღიარდება მოგებაში ან ზარალში.

ფინანსური აქტივები

ფინანსური აქტივები აღიარდება მაშინ როდესაც კომპანია ხდება სახელშეკრულებო ურთიერთობის მონაწილე მხარე. ფინანსური აქტივები შედგება ფულადი სახსრებისა და ფულადი სახსრების ექვივალენტებისაგან და სავაჭრო და სხვა მოთხოვნებისაგან.

ფულადი სახსრები და ფულადი სახსრების ექვივალენტები მოიცავს ფულს სალაროში და მოთხოვნამდე ანგარიშებზე განთავსებულ ფულს.

ძირითადად გაყიდვები ხორციელდება სტანდარტული საკრედიტო პირობებით და მოთხოვნებს პროცენტი არ ერიცხება. საწარმო სავაჭრო და სხვა მოთხოვნებს თავდაპირველი აღიარებისას აფასებს გარიგების ფასით. შემდგომში ფინანსური აქტივების შეფასება ხდება ამორტიზებული ღირებულებით, ეფექტური საპროცენტო განაკვეთის მეთოდის გამოყენებით. თითოეული საანგარიშგებო პერიოდის ბოლოს, სავაჭრო და სხვა მოთხოვნების საბალანსო ღირებულება გადაიხედება, რათა განისაზღვროს არსებობს თუ არა მოთხოვნების გაუფასურების ობიექტური მტკიცებულებები. მათი არსებობის შემთხვევაში, გაუფასურების ზარალი დაუყოვნებლივ აღიარდება მოგებაში ან ზარალში.

თუ შემდგომ პერიოდში აქტივის გაუფასურების ზარალის თანხა შემცირდა და ამ შემცირების ობიექტურად დაკავშირება შესაძლებელია გაუფასურების აღიარების შემდგომ წარმოშობილ მოვლენასთან, საწარმო აღადგენს წინა პერიოდებში წარმოშობილი გაუფასურების ზარალს გაუფასურების რეზერვის ანგარიშის კორექტირებით, ისე რომ გაუფასურების ზარალის აღდგენის შედეგად ფინანსური აქტივის საბალანსო ღირებულება (გაუფასურების რეზერვის ანგარიშის თანხების გამოკლებით) არ იყოს იმ თანხაზე მეტი, რაც იქნებოდა აქტივის საბალანსო ღირებულება იმ შემთხვევაში, თუ წინა პერიოდებში არ მოხდებოდა გაუფასურების აღიარება. საწარმო გაუფასურების კომპენსირების თანხას დაუყოვნებლივ აღიარებს მოგებაში ან ზარალში.

საწარმო წყვეტს ფინანსური აქტივის აღიარებას როდესაც:

- (ა) ფინანსური აქტივიდან მისაღები ფულადი სახსრების მიღების სახელშეკრულებო უფლებებს ვადა გასდის, ან ფულადი სახსრები მთლიანად უკვე მიღებულია;
- (ბ) საწარმო ფინანსური აქტივის საკუთრებასთან დაკავშირებულ ყველა მნიშვნელოვან რისკსა და სარგებელს გადასცემს სხვა მხარეს; ან
- (გ) საწარმო, მიუხედავად იმისა, რომ იტოვებს აქტივის საკუთრებასთან დაკავშირებულ ზოგიერთ მნიშვნელოვან რისკსა და სარგებელს, სხვა მხარეს გადასცემს აქტივის კონტროლის უფლებას.

ფინანსური ვალდებულებები

ფინანსური ვალდებულებები აღიარდება მაშინ როდესაც კომპანია ხდება სახელშეკრულებო ურთიერთობის მონაწილე მხარე. ფინანსური ვალდებულებები შედგება სავაჭრო და სხვა ვალდებულებებისაგან.

სავაჭრო ვალდებულებები წარმოადგენს ვალდებულებებს, რომლებიც წარმოიქმნება სტანდარტული საკრედიტო პირობებით და თავდაპირველად აისახება გარიგების ფასით.

ფინანსური ვალდებულებები შემდგომში ფასდება ამორტიზებული ღირებულებით, ეფექტური საპროცენტო განაკვეთის გამოყენებით. საპროცენტო ხარჯი აღიარდება იმ პერიოდის მოგებაში ან ზარალში, როდესაც იგი გაწეულ იქნა და კლასიფიცირდება როგორც ფინანსური ხარჯი.

საწარმო ფინანსური ვალდებულების აღიარებას მხოლოდ იმ შემთხვევაში წყვეტს, როდესაც ის შესრულდება, ე.ი. როდესაც ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა.

ამონაგების აღიარება

ამონაგები მოიცავს პროგრამული უზრუნველყოფის რეალიზაციიდან და საკონსულტაციო მომსახურების გაწევიდან მიღებულ შემოსავლებს.

პროგრამული უზრუნველყოფის გაყიდვიდან მიღებული ამონაგების აღიარება ხდება, როდესაც კომპანია მყიდველს გადასცემს საქონლის ფლობასთან დაკავშირებულ მნიშვნელოვან რისკებსა და სარგებელს, და როდესაც მოსალოდნელია, რომ მოცემული ოპერაციიდან კომპანია მიიღებს ეკონომიკურ სარგებელს, რომლის საიმედოდ შეფასება შესაძლებელია.

საკონსულტაციო მომსახურებიდან მიღებული ამონაგების აღიარება ხდება მომსახურების გაწევის შესაბამისად, ინვოისის საფუძველზე.

ამონაგების შეფასება ხდება მიღებული ან მისაღები ანაზღაურების სამართლიანი ღირებულებით, დაბრუნებული თანხების, გადასახადებისა და მოსაკრებლების და სავაჭრო ფასდათმობისა და მოცულობის გამო ფასდაკლების გამოკლებით.

სხვა შემოსავალი

სხვა შემოსავალი, პროგრამული უზრუნველყოფის და საკონსულტაციო მომსახურების მიწოდებიდან მიღებული ამონაგების გარდა, აღიარება როდესაც არსებობს რწმუნება, რომ კომპანია განხორციელებული ოპერაციიდან მიიღებს ეკონომიკურ სარგებელს და შესაძლებელია შემოსავლის ოდენობის საიმედოდ შეფასება.

ხარჯების აღიარება

ხარჯების აღიარება თუ მოსალოდნელია საწარმოს ეკონომიკური სარგებლის შემცირება, საანგარიშგებო პერიოდის განმავლობაში აქტივების საწარმოდან გასვლის ან ვალდებულებების ზრდის საფუძველზე, რაც გამოიხატება საწარმოს საკუთარი კაპიტალის შემცირებით, რომელიც დაკავშირებული არაა მესაკუთრეებზე გაცემულ განაწილებებთან. ხარჯები გაწევისთანავე აღიარდება მოგებისა და ზარალის ანგარიშგებაში.

ხარჯები აღიარდება დარიცხვის მეთოდით.

მოგების გადასახადი

მოგების გადასახადის ხარჯი წარმოადგენს მიმდინარე საგადასახადო ვალდებულებას. მიმდინარე საგადასახადო ვალდებულება ეფუძნება წლის განმავლობაში განაწილებულ დასაბეგრ მოგებას. კომპანიის საგადასახადო ვალდებულება გამოითვლება გადასახადის იმ განაკვეთის გამოყენებით, რომელიც ძალაშია საანგარიშგებო თარიღისათვის.

კომპანია ფლობს ვირტუალური ზონის პირის სტატუსს, რაც მას საშუალებას აძლევს ისარგებლოს გარკვეული საგადასახადო შეღავათებით.

2016 წლის მაისში საქართველოს მთავრობამ მიიღო ცვლილება მოგების გადასახადით დაბეგვრის შესახებ, რომელიც 2017 წლის 1 იანვრიდან ძალაში შევიდა ყველა კომპანიისთვის, გარდა ფინანსური ინსტიტუტებისა. მოგების გადასახადის შესახებ ცვლილება ითვალისწინებს მოგების გადასახადით დაბეგვრას მოგების განაწილების დროს. საგადასახადო განაკვეთი წარმოადგენს კვლავ 15%-ს. მოგების გადასახადით იბეგრება არა წლიური შედეგები, არამედ ყოველთვიური შედეგი განაწილებისას.

მოგების გადასახადის ახალი მოდელის თანახმად მოგების გადასახადით დაბეგვრის საგანს წარმოადგენს:

- დივიდენდების გაცემა
- სხვაობა ხელშეკრულების თანხასა და რეალურ ღირებულებას შორის
- ხარჯები, რომლებიც არ მიეკუთვნება ეკონომიკურ საქმიანობას
- უსასყიდლოდ გადაცემები და საჩუქრები
- ლიმიტს ზემოთ გაწეული წარმომადგენლობითი ხარჯები

დივიდენდების განაწილების შედეგად წარმოქმნილი მოგების გადასახადი აღირიცხება, როგორც მოგების გადასახადის ხარჯი იმ პერიოდში, როდესაც გამოცხადდა დივიდენდები, მიუხედავად ფაქტიურად გადახდის თარიღისა.

2008 წლის 1 იანვრიდან 2017 წლის 1 იანვრამდე პერიოდში აკუმულირებული მოგების განაწილებისას, თუ ასეთი მოგება ნაწილდება 2017 ან შემდეგ წლებში, ხდება წინა წლებში გადახდილი მოგების გადასახადის ჩათვლა, რომელიც არ უნდა აღემატებოდეს განაწილებულ მოგებაზე ფაქტიურად დარიცხულ მოგების გადასახადს. აღნიშნული აღირიცხება, როგორც შესაბამის განაწილებასთან დაკავშირებული მოგების გადასახადის ხარჯის შემცირება.

დივიდენდების განაწილების გარდა მოგების გადასახადი გადაიხდება იმ ხარჯებსა და სხვა გადახდებზე, რომლებიც არ არიან დაკავშირებულნი ეკონომიკურ საქმიანობასთან, აღნიშნული გადასახადი აღირიცხება მოგებისა და ზარალის ანგარიშგებაში სხვა ხარჯების მუხლში.

საქართველოს საგადასახადო სისტემის სპეციფიკურობის გათვალისწინებით, საანგარიშგებო პერიოდისთვის, რომელიც დასრულდა 2017 წლის 31 დეკემბერს, საქართველოში რეგისტრირებული კომპანიებისთვის აქტივების და ვალდებულებების საბალანსო და საგადასახადო ღირებულებებს შორის არ არსებობს სხვაობები, რომელმაც შეიძლება გამოიწვიოს გადავადებული საგადასახადო აქტივების ან ვალდებულებების აღიარება.

საქართველოს საგადასახადო კანონმდებლობაში შესული ცვლილების მიხედვით, 2016 წლის პირველი იანვრიდან, გადასახადების გადახდა ხდება ხაზინის ერთიანი ანგარიშის გადასახადებისათვის განკუთვნილ ერთიან სახაზინო კოდზე. შედეგად 2018 წლის 31 დეკემბრის მდგომარეობით მომზადებულ ფინანსურ ანგარიშგებაში კომპანიას საგადასახადო აქტივები და ვალდებულებები წარმოდგენილი აქვს ურთიერთგადახურვით.

5. ინფორმაცია შეფასების, განუსაზღვრელობისა და განსჯის ძირითადი წყაროების შესახებ

კომპანია აკეთებს შეფასებებსა და დაშვებებს, რომლებიც გავლენას ახდენენ ფინანსურ ანგარიშგებაში ასახულ თანხებზე და აქტივებისა და ვალდებულებების საბალანსო ღირებულებებზე მომდევნო ფინანსურ წელს. შეფასებებისა და განსჯის მუდმივი შეფასება ხორციელდება და ეფუძნება ხელმძღვანელობის გამოცდილებასა და სხვა ფაქტორებს, მათ შორის სამომავლო მოვლენების მოლოდინს, რაც მიიჩნევა, რომ გონივრული იქნება არსებულ გარემოებებში. ხელმძღვანელობა სააღრიცხვო პოლიტიკის გამოყენებისას შეფასებებთან ერთად იყენებს ასევე განსჯას. განსჯა, რომელსაც შეუძლია ყველაზე დიდი გავლენის მოხდენა ფინანსურ ანგარიშგებაში ასახულ თანხებსა და აქტივებისა და ვალდებულებების საბალანსო ღირებულებებზე მომდევნო ფინანსურ წელს, მოიცავს შემდეგს:

ძირითადი საშუალებებისა და არამატერიალური აქტივების სასარგებლო მომსახურების ვადა

ძირითადი საშუალებების და არამატერიალური აქტივების სასარგებლო მომსახურების ვადის განსაზღვრა ხელმძღვანელობის განსჯის საკითხია და ემყარება მსგავს აქტივებთან დაკავშირებულ გამოცდილებას. აქტივის სასარგებლო მომსახურების ვადის განსაზღვრისას ხელმძღვანელობამ გაითვალისწინა მოსალოდნელი მოხმარება, შეფასებული ტექნიკური მოძველება, ფიზიკური ცვეთა და ფიზიკური გარემო, სადაც გამოიყენება აქტივი აგრეთვე მორალური მოძველება და საკანონმდებლო შეზღუდვები. ზემოაღნიშნული პირობებიდან ნებისმიერის ცვლილებამ შეიძლება გამოიწვიოს სამომავლო ცვეთის განაკვეთების შესწორება.

უიმედო ვალების რეზერვი

სავაჭრო დებიტორული მოთხოვნების გაუფასურების რეზერვი ეყრდნობა კომპანიის მიერ იმის შეფასებას, თუ რამდენად მოსალოდნელია გარკვეული კლიენტებისგან თანხების ამოღება. ამ რეზერვის შეფასებისას ხელმძღვანელობა ეფუძნება მოთხოვნების ნაშთების ვადას, ჩამოწერის ისტორიულ გამოცდილებას, კლიენტის სანდოობასა და გადახდის პირობების ცვლილებას. ეკონომიკის, დარგის ან კონკრეტული კლიენტის პირობების ცვლილებამ შეიძლება გამოიწვიოს ინდივიდუალურ ფინანსურ ანგარიშგებაში აღრიცხული რეზერვის კორექტირება.

ცვლილება საგადასახადო კანონმდებლობაში

საქართველოში მოქმედი საგადასახადო და საბაჟო კანონმდებლობა ხშირად იცვლება და სხვადასხვაგვარი ინტერპრეტაციის საშუალებას იძლევა. ამასთანავე, საგადასახადო ორგანოების მიერ კომპანიის ოპერაციებთან და საქმიანობასთან დაკავშირებული კანონმდებლობის ინტერპრეტაცია შეიძლება არ ემთხვეოდეს კომპანიის ხელმძღვანელობის ინტერპრეტაციებს. ამის გამო საგადასახადო ორგანოებმა შეიძლება ეჭვქვეშ დააყენონ გარიგებები და კომპანიას დააკისრონ მნიშვნელოვანი დამატებითი გადასახადები, ჯარიმები და საურავები.

საგადასახადო და საბაჟო ორგანოებს უფლება აქვთ, საგადასახადო კუთხით შეამოწმონ კომპანიის საქმიანობა წინა სამი კალენდარული წლის განმავლობაში. ზოგ შემთხვევაში შემოწმებამ შეიძლება უფრო დიდი პერიოდის მოიცვას.

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

2018 წლის 31 დეკემბრის მდგომარეობით ხელმძღვანელობას მიაჩნია, რომ შესაბამისი კანონმდებლობის მისეული განმარტება ჭეროვანია და რომ კომპანიის საგადასახადო და საბაჟო პოზიციებთან დაკავშირებული მონაცემები უცვლელი დარჩება.

6. ფულადი სახსრები და ფულადი სახსრების ეკვივალენტები

	31-12-18	01-01-18
ნაღდი ფული ეროვნულ ვალუტაში	2,150	778
ნაღდი ფული უცხოურ ვალუტაში	2,418	1,783
ეროვნული ვალუტა რეზიდენტ ბანკში	7,581	5,896
უცხოური ვალუტა რეზიდენტ ბანკში	591,408	723,940
სულ	603,557	732,397

7. სავაჭრო და სხვა მოკლევადიანი მოთხოვნები

	31-12-18	31-12-17
სავაჭრო მოთხოვნები - ნეტო	1,156,492	1,617,228
მოთხოვნები დაკავშირებული მხარეების მიმართ (შენიშვნა 17)	330,750	334,445
გადახდილი ავანსები	71,972	15,844
სხვა მოკლევადიანი მოთხოვნები	416	-
სულ	1,559,630	1,967,518

კომპანიამ 2018 წელს აღიარა სავაჭრო მოთხოვნების გაუფასურების ზარალის აღდგენა 126 ლარის ოდენობით. დაკავშირებულ მხარეთა განმარტებითი შენიშვნები იხილეთ მე-17 შენიშვნაში.

8. მარაგები

	31-12-18	01-01-18
ლაბორატორიის მასალა	24189	21,156
საგამოფენო სარეკლამო მასალა	3,782	-
სულ	27,971	21,156

მიმდინარე პერიოდის ხარჯად აღიარებული მარაგის თვითღირებულებამ შეადგინა 13,874 ლარი. მიმდინარე პერიოდში მარაგებისთვის აღიარებული გაუფასურების ზარალმა შეადგინა 0 ლარი. 2018 წელს კომპანიას ვალდებულების უზრუნველსაყოფად მარაგები გირაოში არ აქვს ჩადებული.

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

9. ძირითადი საშუალებები

თვითღირებულება	გამზომი აპარატურა	კლასტერი	ლაბორატორიის მოწყობილობა	კომპიუტერული ტექნიკა	ავთო და სხვა ინვენტარი	იჯარით აღებული ქონების კეთილმოწყობა	სხვა ძირითადი საშუალებები	ჯამი
ნაშთი: 2018 წლის 1 იანვარი	395,913	184,926	12,325	1,110,348	130,583	60,358	3,546	1,897,999
შემოსვლა	-	-	-	94,652	1,510	461	7,489	104,113
გასვლა	(5,144)	(9,479)	-	(167,881)	(17,087)	-	-	(199,590)
ნაშთი: 2018 წლის 31 დეკემბერი	390,770	175,447	12,325	1,037,119	115,007	60,819	11,035	1,802,522
ლაზროვილი ცვეთა და გაუფასურება								
ნაშთი: 2018 წლის 1 იანვარი	(156,608)	(118,656)	(6,253)	(461,977)	(63,912)	(16,140)	(2,055)	(825,600)
დარიცხვა წლის განმავლობაში	(27,601)	(11,081)	(1,443)	(123,846)	(10,751)	(6,317)	(1,528)	(182,567)
გასული ძირითადი საშუალებების ცვეთა	3,353	8,814	-	155,439	16,226	-	-	183,832
ნაშთი: 2018 წლის 31 დეკემბერი	(180,856)	(120,924)	(7,696)	(430,384)	(58,437)	(22,456)	(3,583)	(824,335)
ნეტო საბალანსო ღირებულება								
31 დეკემბერი 2017	239,305	66,270	6,072	648,372	66,671	44,219	1,491	1,072,399
31 დეკემბერი 2018	209,914	54,523	4,629	606,736	56,570	38,363	7,452	978,187

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

10. არამატერიალური აქტივები

	ლიცენზიები	პროგრამული უზრუნველყოფა	პატენტები	სულ
თვითღირებულება				
31 დეკემბერი 2017	198,111	123,958	7,962	330,031
შემოსვლა	135,261	-	-	135,261
გასვლა	(126,904)	-	-	(126,904)
31 დეკემბერი 2018	206,469	123,958	7,962	338,389
ცვთა და გაუფასურება				
31 დეკემბერი 2017	(29,431)	(57,326)	(4,116)	(90,873)
პერიოდის ცვთა	(149,867)	(8,179)	(796)	(158,842)
გასვლა	126,904	-	-	126,904
31 დეკემბერი 2018	(52,394)	(65,505)	(4,912)	(122,811)
ნეთ საბალანსო ღირებულება				
31 დეკემბერი 2017	168,681	66,632	3,846	239,158
31 დეკემბერი 2018	154,075	58,453	3,050	215,578

11. სავაჭრო და სხვა მოკლევადიანი ვალდებულებები

	31-12-18	01-01-18
სავაჭრო ვალდებულებები	103,255	167,858
მიღებული ავანსები	30,067	30,403
გადასახდელი ხელფასი	83,299	52,182
სხვა მოკლევადიანი ვალდებულებები	5,402	-
სულ	222,024	250,443

12. ფინანსური ინსტრუმენტები

ფინანსური აქტივები	31-12-18	01-01-18
ამორტიზებული ღირებულებით შეფასებული ფინანსური აქტივები	2,090,799	2,684,071
სულ	2,090,799	2,684,071

ფინანსური ვალდებულებები	31-12-18	01-01-18
ამორტიზებული ღირებულებით შეფასებული ფინანსური ვალდებულებები	103,255	167,858
სულ	103,255	167,858

შპს 'EM კონსულტაციები და პროგრამული უზრუნველყოფა, EMCoS'ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)**13. საგადასახადო ვალდებულებები**

	31-12-18	01-01-18
გადასახდელი საშემოსავლო გადასახადი	8,434	-
წინასწარ გადახდილი მოგების გადასახადი (სხვა)	(5,493)	78
გადახდილი დღგ	(12,836)	-
წინასწარ გადახდილი ქონების გადასახადი	(1,049)	-
სხვა საგადასახადო აქტივები	31,295	31,295
სულ	20,351	31,373

14. ამონაგები

	2018
ამონაგები პროდუქციის მიწოდებიდან	1,867,615
ამონაგები მომსახურების გაწევიდან	1,865,893
სულ	3,733,508

15. სხვა შემოსავლები

	2018
ძირითადი საშუალებების რეალიზაციიდან მიღებული მოგება	6
გაუფასურების ზარალის აღდგენა	126
საპროცენტო შემოსავლები	8,223
სულ	8,355

16. სხვა ხარჯები

	2018
არარეზიდენტის მიერ გაწეული მომსახურება	(20,136)
კომპიუტერის ხარჯები	(7,042)
ქონების გადასახადის ხარჯი	(8,641)
ზარალი ძ/ს-ს ჩამოწერით	(15,704)
უიმედო მოთხოვნების რეზერვის ხარჯი	-
სხვა საერთო ხარჯი	(17,595)
სულ	(69,118)

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

17. მოგება/(ზარალი) საკურსო სხვაობიდან – წმინდა

	2018
საკურსო სხვაობით მიღებული მოგება	232,928
საკურსო სხვაობით მიღებული ზარალი	(234,217)
სულ	1,289

18. დაკავშირებულ მხარეთა ოპერაციები

2018 წლის 31 დეკემბრის მდგომარეობით კომპანიის კაპიტალის 100% წილის მფლობელია რომან ჭობავა.

დაკავშირებულ მხარეებთან განხორციელდა შემდეგი ოპერაციები:

პროდუქციის მიწოდება:

	2018
სხვა დაკავშირებული მხარეები	
სულ	-

დაკავშირებულ მხარეებთან განხორციელებული ოპერაციების დაუფარავი ნაშთები:

	31-12-18	01-01-18
მოთხოვნები დაკავშირებული მხარეების მიმართ (შენიშვნა 7)		
<i>სავაჭრო დებიტორული დავალიანება:</i>		
სხვა დაკავშირებული მხარეები	330,750	334,445
	330,750	334,445

სხვა დაკავშირებული მხარე წარმოადგენს გერმანიაში რეგისტრირებული კომპანიას, რომლის მაკონტროლებელი მხარეა შპს "EM კონსულტაციები და პროგრამული უზრუნველყოფა, EMCoS"-ის დამფუძნებლის ახლო ოჯახის წევრი. სხვა დაკავშირებულ მხარეზე ხდება პროდუქციის მიწოდება. დაკავშირებული მხარეების მიმართ მოთხოვნის დაფარვა შეთანხმების თანახმად უნდა განხორციელდეს ორ ნაწილად, 2019 წლის ბოლოს და 2020 წლის ბოლოს. მოთხოვნა არ არის უზრუნველყოფილი და არ ერიცხება საპროცენტო სარგებელი. 2018 წელს მოთხოვნასთან დაკავშირებით უიმედო ან სავაჭრო ვალეების ხარჯები არ აღიარებულა.

შპს 'EM კონსულტაციები და პროგრამული უზრუნველყოფა, EMCoS'

ფინანსური ანგარიშგება 2018 წლის 31 დეკემბერს დასრულებული წლისთვის
(ქართულ ლარში)

დირექტორებსა და უმაღლესი რანგის ხელმძღვანელობაზე გაცემული ანაზღაურება

	2018
შრომის ანაზღაურება მთლიანად	439,271
სულ	439,271

19. მოვლენები საანგარიშგებო პერიოდის შემდეგ

საანგარიშგებო პერიოდის დასრულების შემდეგ კომპანიამ შეიძინა მნიშვნელოვანი ძირითადი საშუალება (ანალიზატორი).

საანგარიშგებო პერიოდის შემდგომ, გარდა ზემოთ აღნიშნულისა, სხვა მნიშვნელოვანი მოვლენები არ მომხდარა.